

BOSNA I HERCEGOVINA
FEDERACIJA BOSNE I HERCEGOVINE
JAVNO PREDUZEĆE
NACIONALNI PARK „UNA“ d.o.o.
Broj: 01- 1164/23
Bihać, 01.06.2023. godine

Na osnovu člana 70. stav 1., 3. i 6. a u vezi sa članom 64. stav (1) tačka b Zakona o javnim nabavkama („Službeni glasnik BiH“, broj: 39/14 i 59/22) i preporuke Komisije date u Zapisniku o pregledu i ocjeni ponuda broj: 01-1109/23 od 29.05.2023. godine, Ugovorni organ- v.d. direktor JP Nacionalni park „Una“ d.o.o. Bihać *donosi*

ODLUKU
O
IZBORU NAJPOVOLJNIJEG PONUĐAČA

I

Prihvata se Preporuka Komisije za javne nabavke data u Zapisniku o pregledu i ocjeni ponuda broj: 01-1109/23 od 29.05.2023. godine te se **ugovor o nabavci usluga popravaka i održavanja motornog vozila Citroen LOT-2**, dodjeljuje ponuđaču **O.S.D. „Auto plin NUNI“ Bihać** za ponuđenu cijenu u iznosu od **2.770,20 KM sa popustom bez PDV**, prema Ponudi broj: 01-1099/23 predanoj dana 26.05.2023. godine u 10:50 sati.

II

Ugovor o nabavci usluga dostavit će se na potpis izabranom ponuđaču iz tačke I ove Odluke, po proteku roka od 15 dana, računajući od dana kada su svi ponuđači obaviješteni o izboru najpovoljnije ponude.

III

Ova odluka će se dostaviti svim ponuđačima koji su učestvovali u postupku javne nabavke te objaviti na web stranici JP Nacionalni park „Una“ d.o.o. Bihać.

Obrazloženje:

Komisija za nabavku je postupajući po datim ovlaštenjima, na otvorenom sastanku na kojem je izvršeno javno otvaranje ponuda, održanom dana 26.05.2023. godine u 12,00 sati, konstatovala da je do krajnjeg datuma za predaju ponuda, 26.05.2023. godine do 11,30 sati, blagovremeno pristigle ponude sljedećih ponuđača:

1. „**Begović**“ d.o.o. Bihać (Ponuda broj: 01-1078/23 predana dana 24.05.2023. godine u 10:23 sati);
2. O.S.D. „**Auto plin NUNI**“ Bihać (Ponuda broj: 01-1099/23 predana dana 26.05.2023. godine u 10:50 sati).

Komisija konstatuje da neblagovremeno pristiglih ponuda nema te da ostala zainteresirana lica koja su preuzela tendersku dokumentaciju, nisu predali svoje ponude.

Na zatvorenom sastanku koji je održan istog dana 26.05.2023. godine, Komisija je analizirajući priloženu dokumentaciju te provjerom njenog suštinskog sadržaja i validnosti,

utvrdila da je ponuđač **O.S.D. „Auto plin NUNI“ Bihać** kvalificiran i da sadržaj ponude i način pripreme ponude navedenog ponuđača odgovara svim uvjetima definiranim Tenderskom dokumentacijom broj: 01- 0871/23 od 28.04.2023. godine.

Ponuđač „Begović“ d.o.o. Bihać nije kvalificiran iz sljedećeg razloga:

Ponuđač **„Begović“ d.o.o. Bihać** je dostavio ponudu čija cijena prelazi planirana odnosno osigurana novčana sredstva ugovornog organa, pa je Komisija u skladu sa tačkom 1) pod 2) Zakona o izmjenama i dopunama Zakona o javnim nabavkama („Službeni glasnik BiH“, broj: 59/22) ponudu ponuđača **„Begović“ d.o.o. Bihać** ocijenila neprihvatljivom.

Nakon toga Komisija je utvrdila financijsku vrijednost ponude kvalificiranog ponuđača bez uračunatog PDV-a kako slijedi:

R/b	PONUĐAČ:	IZNOS PONUDE bez PDV (KM):	POPUST (KM)	IZNOS PONUDE SA POPUSTOM (KM):
01.	O.S.D. „Auto plin NUNI“ Bihać	3.078,00 KM	307,80 KM	2.770,20 KM

Kriterij za ocijenu ponuda kvalificiranih ponuđača koji je utvrđen tenderskom dokumentacijom je najniža cijena.

Nadalje, Komisija je konstatovala da vrijednost javne nabavke po procjeni ugovornog organa iznosi:

- 4.273,50 KM bez PDV-a

To su sredstava planirana **Programom rada i Financijskim planom JP Nacionalni park „Una“ d.o.o. Bihać za 2023. godinu – Rashodi pod rednim brojem 1.2.10.**

Cijeneći navedeno, Komisija za nabavku je utvrdila da se cijena kvalificiranog ponuđača **O.S.D. „Auto plin NUNI“ Bihać** nalazi u okvirima procjenjene vrijednosti nabavke.

Obzirom da je pristigla samo jedna prihvatljiva ponuda, u skladu sa članom 3. stav (3) Pravilnika o uslovima i načinu korištenja e-Aukcije („Službeni glasnik BiH“, broj: 66/16); e-Aukcija se ne može zakazati, te će se postupak završiti zaključenjem ugovora o javnoj nabavci sukladno članu 69. stav (1) pod a) ZJN.

Na osnovu svega gore navedenog i preporuke Komisije date u Zapisniku o ocjeni ponuda broj: 01-1109/23 od 29.05.2023. godine, Ugovorni organ donosi ovu Odluku o izboru najpovoljnijeg ponuđača **O.S.D. „Auto plin NUNI“ Bihać** za nabavku **usluga popravaka i održavanja motornog vozila Citroen LOT-2** za ponuđenu cijenu u iznosu od **2.770,20 KM sa popustom bez PDV-a.**

Iz navedenih razloga, primjenom člana 64. stav 1. tačka b. Zakona o javnim nabavkama, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba Ugovornom organu u pisanoj formi direktno, elektronskim putem ili preporučenom poštanskom pošiljkom, najkasnije u roku od 5 (pet) dana od dana prijema ove Odluke.

v.d. Direktor

Amarildo Mulić



Dostaviti:

1. O.S.D. „Auto plin NUNI“ Bihać, ul. Đačka 35, 77 000 Bihać;
2. „Begović Auto“ d.o.o. Bihać, ul. Repušine bb, 77 000 Bihać;
3. U spis,
4. a/a.